



Palle Christiansen  
Demokratit sinnerlugit Inatsisartunut ilaasortaq

**Nunatsinni ulloq unnuarlu angerlarsimaffiit pillugit Ilaqutariinnermut Inatsisinillu  
Atuutitsinnermut Naalakkersuisoqarfik § 37 naapertorlugu  
apeqquteqaateqarfigineqarpoq.**

Asasara Palle Christiansen,

Qujanaq apeqqutunut. Ilisimatitsissutigisinnaavara inissiisarnermut tunngasut  
Naalakkersuisunit annertuumik pingaartinneqarmata, aamma meeqqanut  
inissinneqarsimasunut sulisunullu atugassarititaasut pitsanngorsarneqarnissaat  
annertuumik isiginiarneqarlutik.

**Apeqquut 1**

*Naalakkersuisut suliniutit suut aallartilersaarpaat nunami maani ulloq unnuarlu  
angerlarsimaffinni pissutsit pitsanngorsarniarlugit meeqqat/inuusuttut inissitat sulisullu  
eqqarsaatigalugit.*

**Akissut 1.**

Nunatsinni ulloq unnuarlu angerlarsimaffinni tamani meeqqanut, inuusuttunut kiisalu  
sulisunut atugassarititaasut pitsanngorsaaviginiarlugit Naalakkersuisut ataavartumik  
sulipput.

Meeqqat inissinneqarsimasut amerlasuut alliarternermi piffimmiit piffimmut  
nuutsinneqarneq aqqusaagarisarpaat. Meeqqat ataasiakkaat peroriartorneranni  
aalajangersimasumik atugaqarnissaat eqqarsaatigalugu meeqqap pisariaqartitaanut  
tulluurtumik inissiniisaaq pingaaruteqarpoq.

Meeqqap sapinngisamik tulluarnepaamik ulloq unnuarlu inissinneqarfissaanik  
nassaarniarnermi Naalakkersuisoqarfik kommuninut ilitsersuisarpoq. Ilaatigut  
toqqaannartumik siunnersuinikkut ilitsersuinikkullu ilaatigullu ulloq unnuarlu  
angerlarsimaffiit immikkoortortaqarfiata nittartagaani neqeroorutit assigiinngitsunik  
atorneqartarlutik.

Qitiusumik Utaqqisut Allattorsimaffia nutarterneqarlunilu pitsanngorsarneqarpoq,  
taamaalilluni ajunngitsumik inissiniisaaq qulakkeerniarneqarluni.

Ulloq unnuarlu angerlarsimaffinnut ataavartumik nakkutilliineq ingerlanneqartarpoq.  
Nakkutilliinerup siunertai makkuupput;

- Inatsisit atuuttut malinneqarnissaasa qulakkeerneqarnissaa.
- Suliassaqarfinni pingaaruteqartuni pitsaasumik sullissisoqarnersoq qulakkiissallugu.
- Ulloq unnuarlu angerlarsimaffiit avatangiisaat sullissinerlu meeqqat inuusuttullu inissinneqarsimasut pisariaqartitaat naapertorlugit ataavartumik ineriartortinneqarnissaat qulakkiissalugu.

Nakkutilliisut ulloq unnuarlu angerlarsimaffiit sulianut tunngasut pillugit  
oqaloqatigisarpaat, matumani aamma ilaallutik pissaanermik atuinerit, atoqatigiinneq

26-08-2013  
Suliap nr. 2013-083963  
Upp. nr. 1305738

Postboks 260  
3900 Nuuk  
Oqarasuaat (+299) 34 50 00  
Fax (+299) 34 66 66  
E-mail: ikinn@nanoq.gl  
www.nanoq.gl

pillugu maleruagassat, atornerluineq pillugu maleruagassat, sulisunik oqaloqatiginnittarnerit il.il.

Taassuma saniatigut nakkutillineq aqputigalugu Ilaqutariinnermut Inatsisinillu Atuutitsinnermut Naalackersuisoqarfiup ilisimalertarpaa angerlarsimaffinni ataasiakkaani ilitsersorneqarnissamut aamma/imaluunniit ilinniartitaaneq eqqarsaatigalugu suut pisariaqartinneqarnersut paasineqartarluni.

Nunatsinni ulloq unnuarlu angerlarsimaffinni namminersorlutik oqartussani pigineqartuni sulisut ataavartumik pikkorissarneqarlutillu ilinniarteqqinneqartarput, ulloq unnuarlu angerlarsimaffinni sullinneqartut aallaavigalugit aammali qulequttat pingaaruteqartut soorlu atoqatigiinnermut tunngasut kiisalu aaqqiagiinngittoqartillugu iliuusissanut tunngasut ilinniartitsissutigineqartarlutik.

Ilinniarnermut pilersaarutit II-mut atatillugu ilinniarnermut ilinniaqqinnermullu tunngasunut pisariaqartinneqartut kissaatillu attuumassuteqartunit oqallisigineqassapput, inernerit Ilinniarnermut pilersaarut II-mut 2014-imi upernaakkut ataatsimiinnermi ilanngunneqassallutik.

Aammattaaq takuneqarsinnaavoq ulloq unnuarlu angerlarsimaffiit imminut ingerlatittuni aamma kommuninit ingerlanneqartuni sulisunik ilinniartitsinissaq pisariaqartinneqartoq. Pisariaqartitsineq naammassiniarlugu ilaatigut pikkorissartitsinerinerit aamma ilinniaqqinnerit naalackersuisoqarfiup ingerlataanut, SPS suleqatigalugu taakkunungalu attuumassuteqartunik pikkorissaasartut suleqatigalugit pikkorissaanissanik neqeroortoqartassaaq.

Angerlarsimaffinni ataasiakkaani sulisoqarniarneq KANUKOKA suleqatigalugu ukiumut ataasiarluni misissorneqartarlunilu nalimmassarneqartarpoq. Taamaasiornikkut meeqqat inuusuttullu angerlarsimaffiup avataanut inissinneqarnikut nakkutigineqarnissaannut ikiorserneqarnissaannullu pitsaanerpaamik sullissisoqarnissaa Naalackersuisut qulakkiissallugu.

Nuna tamakkerlugu ulloq unnuarlu angerlarsimaffinni sulianut tunngasut kiisalu pitsaassutsimik qaffassaanissat siunertaralugit nuna tamakkerlugu qarasaasiaq aqputigalugu suleqatigiiffissamik aallartitsisoqarpoq. Qarasaasiaq aqputigalugu inissiinerit ataasiakkaat eqqarsaatigalugit atoqatigiinneq annertunerusoq pilersinneqassaaq, taamatullu aamma attaveqarniarneq aamma angerlarsimaffinni perorsaaniarnikkut sullissineq pitsaanerulissalluni, assersuutigalugu iliuusissatut pilersaarusiornepup nalunaaruteqartarnerullu pitsaanerulerneranik kinguneqassalluni. Taamaaliornikkut meeqqat ataasiakkaat pillugit ilisimasat pitsaanerumik aaqqissuunneqarnissaat periarfissanngussaaq, taamaaliornikkullu meeqqat ataasiakkaat pillugit eqqortumik sullissineq ikiuinerlu qulakkeerneqassalluni.

## **Apeqput 2**

*Meeqqat/inuusuttut ullumikkut ulloq unnuarlu angerlarsimaffinnut inissinneqarsimasut siusinnerusumut naleqqiullugu innarlerneqarnerusimapput. Meeqqat inuusuttullu avatangiisini ajornartorsiutitiliniittut ullumimut naleqqiullugu siusinnerusumik ikiorneqartalernissaat pillugu Naalackersuisut sunik suliniutinik aallartitsiniarpat?*

Meeqqat ataasiakkaat pisariaqartitaat tamatigut aallaaviunissaa Ilaqutariinnermut Inatsisinillu Atuutitsinnermut Naalackersuisoqarfiup anguniartuarppaa. Meeqqap inuunerani siusinaartumik ikiuineq siunissami ataavartussanik pitsaasunillu allunnguissamut tunngaviusarpoq. Taamaammat nunatsinni ilaqutariinnut sullissivinni siusinaartumik ikiuinissamut suliniuteqartoqarpoq. Ilaqutariippassuit inuuniarnikkut

ajornartorsiutaat ajoraluartumik annertupput suliniarnerlu tamaani annertusineqartariaqarpoq. Taamaammat Naalakkersuisut ilaqutariinnut sullissiviit pingaartippaat tamatumunngalu atugassanik Aningaasanut Inatsimmi aningaasanik amerlanerusunik illikartitsisimallutik.

Ilaqutariit arlallit angajoqqaajunissaminnut annertuumik siunnersortillutillu ikorfartugassaammata siunissami qaninnermi ilaqutariinnut neqeroorummik allamik aamma peqalissaaq. Taanna ilaqutariinnut immikkoortortami Qaqortumiittumi Inuusuttut Inaannut ilassutaassaaq, ulloq unnuarlu angajoqqaat meerartik nukangasoq najugaqatigisinnaallugu neqeroorutaassalluni.

Ilaqutariinnermut Inatsisinillu Atuutitsinnermut Naalakkersuisoqarfik kommuninik suleqateqarluarpoq. Suliat suliarineqartarneri pillugit eqqumaffigineqarpoq, tassani isumaginninnermik aqutsiviit suliarpassuarnik tigummiaraqmata. Meeqqat ataasiakkaat ikorfartorneqarnissamik pisariaqartitsisut paasiniarnissaannut unammilligassat annerit ilagaat meeqqat inooqatigiinnikkut tarnikkullu immikkut pisariaqartitsisut qulaajaaffiginissaat.

Taamaammat Ilaqutariinnermut Inatsisinillu Atuutitsinnermut Naalakkersuisoqarfik MISI aamma PPR-it suleqatigalugit suliniuteqalerpoq, tassanilu nunatsinni ulloq unnuarlu angerlarfimaaffinni meeqqat inooqatigiinnikkut tarnikkullu immikkut pisariaqartitsisut qulaajarneqarnissaannik naalakkersuisoqarfik qularnaarissalluni. Tamanna septembarimi aallartisarneqassaaq ukiunilu tulluuttuni ingerlassalluni. Tamatuma kingorna meeqqat tarnikkut ikiorserneqarnissaminni nakorsarneqarnissamik misissortittariaqarnerminnik pisariaqartitsisut tassunga innersuunneqarsinnaalissapput.

Meeqqat ataasiakkaat iliuusissatut pilersaarusionerfigineqarnissaat qulakkiissallugu annertuumik pingaartinneqarpoq, tamannalu pillugu naalakkersuisoqarfik kommuninut ataavartumik oqaloqateqartarpoq. Tamanna aamma pingaartinneqartarpoq naalakkersuisoqarfik kommuninut nakkutilliinerisa nalaani aamma kommunini sullissisunik pikkorissaanerini.

Meeqqat alliaartornermini atukkaminnik innarligeerujussuarnikut inissinneqarsimanerallu ima kingusissimatigisoq, allaat inersimasunngornermini sulii ikorfartorneqarlutillu ikiorneqartariaqartunik, immikkut suliniarfigineqarnissaat aamma pisariaqartinneqarpoq. Taamaammat maanna suliniutaavoq nunami tamarmi inuiaqatigiinnut akuliukkiartuaartitsinissamik angerlarsimaffiit suliaqartut amerlanerit ammarneqarnissaat, taakkulu inuusuttunik inersimasunngornissaannut namminiilernissaannullu ikorfartuisussaallutik.

Inussiarnersumik inuulluaqqusillunga



Martha Lund Olsen